

鳳臺縣志卷之二十

雜志

唐柳宗元謫龍說扶風馬孺子言年十五六時在澤州

羣兒戲郊亭上頃然有奇女墮地有光燦然被緞裘白

紋之裏首步搖之冠貴遊少年駭且悅之稍狎焉女頰

爾怒曰不可吾故居鈞天帝宮下上星辰呼噓陰陽薄

蓬萊羞崑崙而不卽者帝以吾心侈大怒而謫來七日

當復今吾雖辱塵土中非若儷也吾復且害若衆恐而

退遂入居佛寺講室焉及期進取杯水飲之噓成雲氣

鳳臺縣志

卷之二十

雜志

一

五色脩脩也因取裘反之化爲白龍徊翔登天莫知其

所終亦怪甚矣嗚呼非其類而狎其謫不可哉孺子不

妄人也故記其說

隋梁彥光性至孝七歲父遇篤疾醫云餌五石可愈時求

五色文石紫石英於太行山不得彥光憂悴不知所爲

於園中見一物不識持歸卽紫石英親屬咸異之

孫盛魏春秋曰黃初元年文帝愈崇宮殿雕飾觀閣取白

石英紫石英及五色文石於太行穀城之山起景陽山

於芳林園樹松竹草木捕禽獸以充其中於是百役繁

興帝躬自掘土率羣臣三公以下無不展力

金季文人多以四字爲別號如洪洞進士喬宸號爲

眞逸與澤人秀寂散人安巖錦溪漁隱張聖清溪道人

孫昶題名峽山石壁又有路元稱東山散人卽李莊靖

俊民亦稱鶴鳴老人蓋一時風氣使然安巖張瑾孫昶

三人不見金史而喬宸自山陽來約遊青蓮寺必其同

年友否亦爲知名士惜無可考

半塘
閒筆

剡溪野語歐陽修爲河北轉運使到澤州先見劉羲叟於

陋巷中羲叟時爲布衣尙未知名也後薦之於朝今集

鳳臺縣志

卷之二十

雜志

二

中有舉劉羲叟劄子繳進劉羲叟春秋災異奏狀

治平中澤州人家穿井土中見一物蜿蜒如龍蛇人畏之

不敢觸久之見其不動試摸之乃石也村民無知遂碎

之時程伯淳爲晉城令求得一段鱗甲皆如生物蓋蛇

蜃所化如石蟹之類

畫壇
錄

北齊神武帝自隊主轉爲函使嘗乘驛過建興雲霧晝晦

雷聲隨之半日乃絕若有神應者

北齊
書

武平末安德王高延宗卽帝位於晉陽建年德昌與周師

戰爲周所虜先是高都郡有山絕壁臨水忽有墨書見

云齊亡延宗洗視逾明後主使人就寫改亡爲上至是

驗焉

北齊書

文房四譜有造瓦硯法人罕知其妙向時有著作佐郎劉羲叟者嘗如其法造之絕佳硯作未多士大夫家未甚有羲叟物故余嘗得其二一以贈劉原父一余置中書

閣下尤以爲寶也

攷古錄

壽皇賜宰執宴御前雜劇妝秀才三人首問第一秀才仙鄉何處曰上黨人問次日澤州人問三曰湖州人又問上黨秀才汝鄉出甚生藥曰某鄉出人參次問澤州者

鳳臺縣志

卷之二十

雜志

三

曰出甘草又問湖州者曰出黃蘗如何湖州出黃蘗最是黃蘗苦人當時皇伯秀王在湖州湖州故有此語壽

皇卽曰召入賜第奉朝請

貴耳錄

宋時州買羊斂民出錢吏胥滋擾爲害沁水令楊仲元更其令使戶費錢百遣人市羊他所於山中牧放羊大蕃

息按年以納不科一錢而民不擾

沁水志

張翥仲舉肢體昂藏行則偏竦一肩韓介玉以詩嘲之云垂柳陰陰翠拂簷倚闌紅袖玉纖纖先生掉臂長街上十里朱樓盡下簾坐中皆失笑或曰仲舉病鶴形也時

有相士在座曰不然此雨淋鶴耳雨霽則冲霄矣後

大都致位通顯

續前定錄

金天興二年烏林荅胡土出募榜人爲救駕軍澤人緝

鬻武錄事等皆不逞之徒也行至數十里卽肆劫掠召

歸鞭之人皆竊笑

金史

崔公度伯易自號曲轅先生作太行山賦以太行近時忌
改作感山賦裴煜得之獻魏公未及品藻示永叔永叔
題其後曰司馬子長之流也魏公因薦其文英廟欲擢
以館職魏公言未見其人之賢否召與語未爲晚也後

鳳臺縣志

卷之二十

雜志

四

數日伯易與友人會話坐上忽齎誥身至乃授伯易穎
川防禦推官國子監直講荆公嘗云感山賦不若明珠

賦 劉延世
談圃

狄仁傑登太行山親在河陽反顧白雲孤飛謂左右曰吾

親舍其下瞻悵久之雲移乃得去

蘓氏
家話

明袁柳莊珙子忠徹世其術亦緣父得侍太宗先是燕王
嘗一日宴耿璘景清及三司官密令忠徹行酒相之
徹告王曰宋忠年五十四面方五大身短氣昏張昺
三十六面方五小行步如蛇謝貴年三十一擁腫

而氣短俱主刑禍景清身矮聲雄耿隲顴骨插鬢色如
飛火皆凶相後永樂起兵諸公悉死難

金李莊靖俊民墓在崔莊北有李姓售於田家掩其碑墾
爲田余屢購之不可得或云李姓非莊靖嫡派考元世
祖在藩邸連以令旨徵俊民以姪孫仲修爲後必俊民
當日無子村居者皆其旁支也有心者苟能訪知其處
爲封墓豎碑使李姓一人奉其祀亦敬禮前賢之盛舉
也

半塘
間筆

段長官直墓誌劉靜修先生因所撰書志與元史合辭不

鳳臺縣志

卷之二十

雜志

五

溢美書法似柳公權雜兼八分大書深刻凜然有生氣
儒者之筆正自不凡直子紹隆墓係清苑郭文憲貫作

誌書文亦佳

半塘
間筆

朱衣鳥出澤州形如瓦雀毛羽類丹砂善鳴張希周携歸

陳繼儒以爲卽古之赤鷄也

州志

晉水澗行類閩越而悍濁怒號特甚雖步可越處輒起濤
頭作澎湃源至高故也夏秋間爲害不細以無堰竭之
具爾予行三晉諸山間嘗欲命緣水之地聚諸亂石俶
閩越間作灘自源而下審地高低以爲疎密則晉水皆

利也有司既不暇及此而晉人簡情亦復不知所事甚
爲可恨閩諺云水無一點不爲利誠然亦由其先有豪
傑之士作興後來因而修舉之遂成永世之樂故予謂
閩水之爲利者盈科後進晉水之不爲利者建瓴而下

爾燕間
錄

明田時雨官彰德府通判隸人與洛川王翊鏞府人爭瓜
而毆時雨捕王府人趙王厚煜爲和解不得會宗室數
十人索祿時雨以宗室毆官白於上官上官會知府傳
海勵盡捕名府厚煜忽恚且愧自縊死厚煜子成臯王

鳳臺縣志

卷之二十

雜志

六

載皖疏聞於朝下法司按問時雨棄市

明史

明宗室大滌子濟題畫跋桃朱術紫芹生陰厓陂池近水
石邊狀類赤芍藥葉深綠背甚赤莖似蕎麥花紅可喜
結實亦似粃蕎麥味苦澀其汁可以煮雌制永伏砂禽
黃號起貧草他方頗少太行王屋諸山最多

有人題太行石壁云太行千里連芳草獨酌一杯天地小
醉卧花間人不知黃鶯啼破春山曉

陳說岩相國廷敬說其鄉有兄弟皆爲名卿而其孫愚騃
不知書家以中落至持銀碗乞食於市而不悟銀可易

米人家子弟不讀書者可以爲戒因書示子孫輩云廿分

餘話

康熙三年四月東鄉人誘豫客至家謬爲盟夜半約同人市貿布行草徑推入罾井復下甑石聽之聲聲皆中日初升行人聞井中有呼救聲且日我早行失足者縋上訊其故當集衆縛兇詣公吐實問布客則云初下見亡祖抱井旁坎中其甑石中牛皮上耳官怒立斃杖下州志井村李衛公祠萬歷丁酉年碑云白石先生以爲衛公歇馬之處

鳳臺縣志

卷之二十

雜志

七

北大社有唐李衛公廟明天啟三年覃懷賈復碑謂衛公過此衆輯而弗擾民居德之旣去立廟孤峯凡疫災旱患禱則輒應又按唐人小說公射獵山中宿一朱衣家夜半叩門急一婦人謂之曰此龍宮也帝符行雨二子皆出欲奉煩何如命乘驄馬繫一小瓶戒日馬躩地嘶鳴取水滴馬鬃上一滴水三尺慎無多也旣而雷掣雲間連下十餘滴是夕平地水三尺後世祖其說而傳之澤土多旱社人亦有爲而爲之或曰公三原人嘗偶一過此耳

王弇州碧落碑跋云絳州碧落碑篆書在石像背州將以不便摹搨別刻置廟中今本乃別石耳李璿之輩以爲陳惟正李譔李瓘書不可辨據洛中紀異錄稱刺史李譔爲母房太妃追薦造像成忽一道士來云君刻石須篆書乎我天下之能篆者李異之聽所爲則扃戶三日乃開化一白鶴飛去篆文宛然像背矣此涉誕妄不可信然李陽冰覽之七日而不忍去習之十二年不成其妙如此豈惟正譔瓘小子所辦乎字書雜出頡籀鐘鼎欵識以故與斯本小異聊識之以俟知者 按今碧落

寺有金明昌五年澤州刺史許安仁碑云唐韓王元嘉三子黃公李譔爲母妃房祈福石刻彌勒像磨崖篆碑後刺絳州又刻天尊像磨崖篆碑文異而篆同皆譔一筆書也宋劉羲叟仲更恨未通識會脩唐書攜楮本之局因宋子京始能盡通貽澤守宋選從子敏求隸書刻石州廨歐公集古錄及弇州跋皆未悉此故於絳州別石互有指名今澤州碑已燬壁有篆刻七字係小篆隸書五言古四言讚後云鄉貢進士中輔奉父詹命而作其姓氏年代莫考內又有魏孝昌唐武后萬歲通天時

二小記疑此寺非元嘉始建或元嘉增修之耳

半塘
間筆

元賈魯書取裁於晉而氣骨蒼穩絕去近世佻巧之態昔人謂元人書法有復古之功豈不信然郡城明道祠賈魯撰記書法亦佳係以郡守南鵬翼或係賈魯自書而

借名於鵬翼與

半塘
間筆

明天啟間澤州司馬當塗張一躍以其廳事右屋有古槐圍可一丈五尺中空而不枯謂其折巨枝不傷屋瓦從而神之越十二年滇南張大爲至又以其欲撤屋折枝而壓覆亦從而神之各有記石刻槐亭壁上

府志

鳳臺縣志

卷之二十

雜志

九

張福在後周時爲澤州刺史入宋守城拒李筠筠破其城殺之福與筠同爲周臣李筠起義不得曰叛賊張福殉城亦不得謂烈士

半塘
間筆

銅鐘銘後唐李嗣昭所範舊在開元寺今移元妙觀卽宋天慶觀也上書昭義軍節度使澤潞磁邢洛等州觀察處置使開府儀同三司檢校太傅兼侍中潞州大都督府長史上柱國隴西郡開國公食邑一千五百戶李嗣昭新鑄澤州開元寺神鐘記夫晨鐘夕梵文二音於鷲峰惠日法流轉雙輪於鹿苑是以恩霑萬類化備千魚

聞之者解脫湮淪製之者恢宏福祚我府主侍中 推
賢德明洞英明勲業至隆政績彌厚一自鎮臨茲府
暇修崇綿歷歲時堅營勝事昨於龍興寺親垂植度
建鴻爐開寶庫而捨俸金徵哲匠而鑄神器不移兩月
之內新舊獲鐘四口各餘萬斤內一口緣澤州元無化
銅至府缺就陶鈞可表金石至堅人人合契聲流九地
遐宣厚缺之恩韻徹三天遠播曾旻之德曉羣生於覺
路缺度品於迷途並勒銘文芳傳不朽伏願侍中萬代
康寧法界缺同霑此福時天祐十一年七月十三日
元見

鳳臺縣志

卷之二十

雜志

十

妙觀
鐘

宏農郡君楊氏李嗣昭之妻也嗣昭於晉稱天祐十一年
七月范鐘澤州開元寺紀功祈福楊氏先於是年六月
登峽石山題詩擲筆臺云此山靄靄通雲烟峭壁嵯峨
勢分綿丹水流行曲如帶風皺羅紋聽管絃鶯啼花開
入禪意擲筆臺前梵唄宣遙想當年無遮會紛紛散落
雨花天考楊氏善蓄財嗣昭三世皆賴以濟今復以詩
著且據此以証晉取澤州年月峽山石刻
宋治平三年明道程先生來令晉城建鄉校七十二處社

學數十所陳跡竟莫可考惟鳳臺城西北鄉地名書院

村有明天啟間石碣書古書院三字蓋先生設教地也

前守訪求村鎮有文廟者六處五門巴公有雍正十二年重修碑記

大陽東明正德三年進士裴爵碑記大陽西明天啟五年碑記來村一名鳳棲鄉有

康熙四十五年碑記李村等里疑為鄉校舊趾其實遺漏尚多如

四義郛村高都周村府城河東七嶺店三家店均未之

及故特為表之以俟考古者節錄府志

明末流賊破河內時縣令丁泰運罵賊被害所乘馬甚駁

賊將騎入縣至堂下大嘶人立狂逸不可制竟跳擲以

鳳臺縣志

卷之二十雜志

死知州徐芳贊曰本自可生亦知無責悼此傾崩忍忘

驅策彼肉則糜我心斯石是馬是人大河以北府志

澤之鹽筴本清嚴康熙四十二年忽有梟徒李奎俊姬八

等聚眾至九十餘人劫各縣鹽店十三處械石擊傷官

弁斃捕七人後擒獲駢誅者至二十二愚民脅煽遂猖

披潰決與官府仇守城戒嚴如遇大敵幸以渠魁喪元

梟黨分散習用囂凌漸流不靖不可不預為防也府志

雍正五年間州人靳廣入白蓮教長子縣張冉公黨冉公

每思劫掠富室繼有濟源縣卜者翟斌如至以術數煽

惑廣遂棄張依翟同謀不軌適魏智盜機先發廣黨遽爾肆行橫暴約日聚集羣逆起事會以大雨失期官弁先發以次就擒斬翟斌如靳廣等六人於太原西市王君祿等八人監候擬斬脅從及株連者多所矜宥其教有彌勒佛白蓮等名齋公齋母等目皆喫菜事魔法斷葷酒身被黃衣布散黃符朝夕禮拜病不服藥其葬親不擇地唯教主指示卽掘土瘞埋所誦經咒有立天後會等書外人不能纖記互相煽惑大爲民害澤阻山負險每易藏奸司牧者宜嚴以禁之勿令左道惑衆也

府志

雍正十年六月十二日秋泉里宋二海山等糾率七村居民千餘人圍黃河村言茹聚珍妻衛氏生下旱魃抱兒出驗並無帶破而人多語雜必欲淋澆旱婆將衛氏易穿孝服擡置下河潑澆冷水拆毀房屋各持鎗銃狂呼澤地多旱每逢祈雨輒妄指生兒殘缺及墮地卽死者爲旱魃其產母必將冷水淋澆多致產後受傷身死聚衆橫行愚民惡俗殊駭聽聞

府志

澤郡五屬皆山高土瘠耕者以積糞爲壅灌計每見居民契券皆載糞池幾區坑屋幾所一有不均攘臂結訟其

俗習如此高平生員祁軾家因淘糞坑吳起鳳等連斃
三命高平令因洗冤錄不載糞毒一條疑案株連竟以
毆斃通報嗣委鳳臺羅著藻檢驗三屍並無傷痕惟牙
根骨青黑色忤作僉供坑積冬糞至春夏秋三季毒氣
鬱蒸墮坑被觸最易斃命蓋糞水臭氣極猛入口卽死
不在糞之深淺凡中此毒者皆牙根骨青黑也上下唇
吻發青不比中他毒死皮肉起胞骨殖青黑也聞諸土
人解毒法先用栢葉焚燒并投栢木片入坑可辟臭毒
又高平魏莊有豫民張敏等販猪爲業因小猪誤落糞

坑二客下坑撈救皆中糞毒殞命驗其牙根骨青黑色
上下唇吻發青與吳起鳳等同是糞毒殺人較他毒尤
甚二案顯然書此備考並宜添入洗冤錄以清疑獄府志
唐時韋道安少讀儒書壯歲學武畧善騎射嘗自天井入
太行見道旁叟痛哭欲投澗死問之言向爲刺史年老
告歸賊掠其囊二女被擄欲歸不能惟有死耳道安諭
慰之卽馳騎尾賊所至見賊方爭二女道安怒發一矢
殪其渠魁羣賊以次就縛盡獲其所掠財物並二女以
歸護之出山刺史欲納女爲妾道安拒不納疾馳而去

後爲軍官累立戰功

柳子厚詩

宋宣和間進士浩天澤子温仕金爲進義校尉今鳳臺無浩姓據郃村崇壽寺金天會年碑記云浩村似屬訛浩作郃否則居民多郃姓因易其名也村外有二古墓形如岡阜土人相傳爲浩先生墓亦曰浩將軍墓浩先生或係天澤將軍或係温亦未可知惜無碑碣可考

半塘間筆

明茹太素官江西布政使時有崔永字彦齡海鹽人七歲喪父母韓改適同邑桑慎慎爲御史坐事謫海南攜韓從軍永旣長思母徒步求之誓不見母不歸行次瓊州

鳳臺縣志

卷之二十

雜志

十四

得焉會慎殫力請母歸所司以配屬無放還例不遣永慟哭入京哀請於朝許之復赴海南迎母舟遭風永入水負母母得活永感寒疾客死江西茹葬之郵致其母

歸

樵李詩注

山谿阨塞形格勢禁若晉之柳樹口攔車驛碗子城天井關太行大小口沁口此胥海寓名險人所共曉而明人曾涕唾棄之不甚惜則奚怪乎和龍滑鹽興中大定會州開平雜谷魚通沉黎等地之胥外隸也春秋曰鄭棄

其師予亦日明棄其險

存研樓文集摘錄

馬體孝一名曠迂介好讀書應童子試爲學使夏公挺芝所知益自負手抄口誦日夜不輟爲詩多率易人或諷以格律神韻不屑也屢試不得志遂病狂易棄家遊塞上遠及齊楚吳越到處紀以詩貧困至乞食終不悔行乞至宿遷市上有負錢者散落滿地羣丐爭取體孝去不顧天隨而吠遂求肆中筆墨題一詩云拙性從來似野牛手攜竹杖到江頭筠籃背月悲殘夜歌板臨風唱晚秋雙足踏穿塵世路一身卧遍古荒邱從今不復傍門戶蹠犬何須吠不休自題曰翁恒遂死道旁宿遷令

得詩甚憐其才表墓曰翁恒逸人之墓並和原韻刻石墓所至今過者留題無虛日邑有貿易宿遷者聽其語操西音且悉其面目共以爲體孝不謬云

半塘間筆

澤隸河陽三城上黨南蔽昭無澤不敢東莊無澤不敢西西燕無澤不敢南宗正無澤不敢北太行天井俱此最險左高都右陽阿省入一郡田則負葵書則盤谷其中學者牛毛公卿輩出上萬言專百城者相望宗房亦可擇而易之有亂問祝公道無亂問劉羲叟親台之所石

無易此者矣

畢西北與胡載仁書

通商宜潞讀書宜澤力田則宜長子以言亂所必爭澤長

子衝於潞以言亂所易避澤潞又便於長子

西北文集

漢澤風土完厚人質直而尚義在宋有國時俊造輩出見

於黃魯直季父廉行縣之詩風俗既成益久益盛迄今

帶經而鉏者四野相望雖閭巷細民亦能道古今曉文

理爲子求師莫此州爲宜

元好問郝先生墓銘

金李俊民遭甲戌之變乙亥秋七月南邁時姪謙甫主河

南福昌簿迎至西山僑居廳事之東齋小學師商君祥

投詩索和頃刻間往回數十紙謙甫曰一鼓作氣未可

鳳臺縣志

卷之二十

雜志

十六

敵姑堅壘以待姪壻郭鴻漸曰可以單師挫其銳刀出

百字題請賦以酬之遂信筆而書殊無意義副其徒孫

男樂山示之三日不報謙甫笑曰五言長城不復敢攻

也君祥於是攜酒來乞盟大會所友極歡而罷

見李莊靖詩集

明季澤州宗正漁獵鄉民特甚崇正十年四月羣鄉民揭

竿而起持刃持挺入城與宗室讐殺日以數千計署州

事斬司李復鼓煽之幾至燎原紳士出而解紛數日始

得粗安

苗中丞年譜

明季南城時震俗謂之城叫有童謠曰今也叫明也叫一

叫叫來箇翻山鷓崇正五年高傑破澤州降明後至十四年復奔澤州其言果驗翻山鷓傑之諱名也府志

鳳臺多母姓他處所無宋有推官母湜與范仲淹爲友金有進士母彥倫與許安仁相唱和又有母益之母受之等見莊靖詩集近年有舉人母作霖或其後也半塘間筆

鳳臺向有地方支應陋規坊廂輪充其役懦者苦於賠累每至蕩析家私點者好爲科歛或且魚肉鄉里郡守姚公自乾隆己亥守郡首懲其弊永行禁革士民感戴刻其事於石公名學瑛號梅園山東鉅野人見碑記

鳳臺縣志

卷之二十

雜志

十七

松嶺寺慈氏閣藏繡法華經序傳唐時處女守貞不字發愿繡法華經刺至四卷端坐化去歷唐宋元明千餘年至國朝民人張世清妻郭續成全部唐繡如名人法書無間可指郭所續繡則未免有鍼紉之迹矣半塘間筆

玕山青蓮寺有西藏貝葉真經寺僧不善珍藏爲蠹魚所

炷簡帙錯落不可譯

石門雜著

陽曲傅徵君山以神醫名兼善書畫與朱明府三才至交嘗書畫屏幅各十二頁書兼四體畫如八大山人出畫家畦町之外十年前余曾於三才裔孫處見

已無存

半塘
間筆

佟牧國瓏妻王氏有應變才佟一日入太原州民忽欲爲
變丞尉皆畏縮不敢出王出坐頭廳以禍福諭之侃侃

數語事遂靖

蔣清容
詩注

丹水出丹水嶺及秦坑趙卒血流成丹之說酈道元水經
注已辨其謬矣余嘗訪其源流自二仙掌四義巴公高
都迤邐而行見地多赤墳水冲土丹乃知丹水之名

有自也至白水逕行山皆沙石土屬白壤水以白名亦

非無據而云然也

半塘
間筆

鳳臺縣志

卷之二十

雜志

十八

劉仲更義叟墓在高都鎮外無碑碣可考鎮多劉姓以績

麻爲業自言係仲更後裔亦無家藏遺書余嘗親至其

地訪求遺蹟蔓草荒烟間輒流連不忍去

石門
雜著

太祖征李筠西京留守向拱迎謁至汜水言於上曰筠逆

節久著兵力日盛陛下宜急濟大河踰太行乘其未集

而誅之緩則勢張難爲力矣上從其言卷甲倍道趨之

筠果率兵南向聞車駕至惶駭走澤州城守遂見擒

李筠叛吳廷祚白太祖曰潞城岳險且阻太行賊據之

未易破也筠素勇而輕若速擊之必離上黨來邀我戰

猶獸亡其藪魚脫於淵因可擒矣以廷祚留守東京兼判開封府筠果領兵來戰澤州南其衆敗走 李筠叛命李崇矩率龍捷驍武左右射禁軍數千人屯河陽以所部攻大會砦拔之斬首五百級改澤潞南面行營前軍都監與石守信等同破筠衆於碾子谷及平澤潞遣崇矩先入城收圖籍視府軍 李筠鎮上黨募亡命多爲不法漸倔強難制檢校太尉張美度筠必叛陰積粟於懷孟間後筠果叛太祖親討之大軍十萬出太行經費無缺美有力焉 太祖征李筠高防爲潞州東北路

計度轉運使澤潞平拜尙書左丞 蔡審廷授殿前散都頭指揮使從征李筠攻澤州先登爲飛石傷足太祖賜以良藥美酒及車駕還京幸其官署問之賜賚甚厚 太祖征李筠張勳從石守信董前軍拔大會砦敗筠衆於太行破澤州勳與有功 張暉從征澤潞爲行營壕砦使先登陷陣事平遷華州團練使建隆二年太原未下詔入覲問計暉對曰澤潞經李筠之叛瘡痍未復軍旅一興恐人力重困不若戢兵育民俟富庶而後爲謀乃賜襲衣金帶鞍勒馬令還朝 建隆初太祖親征

澤潞遷郭進本州防慰使充西山巡檢 康再遇爲襲
捷指揮使從太祖征李筠死於兵詔以其子保裔代父
職從石守信破澤州 王審琦宋初擢爲殿前都指揮
使領泰寧軍節度從征李筠爲御營前洞屋都部署爲
飛石所傷車駕臨視澤潞平改領武成軍節度 羅彥
瓌從太祖平澤潞還命代趙彥徽爲侍衛步軍都指揮
使領武信軍節度 驍武副指揮田紹斌從崔彥進征
李筠攻大會砦破之又敗筠於澤州茶碾村筠退保澤
州紹斌鑿壕圍守流矢中左目殺筠軍益衆奪其鎧甲

宋初征李筠筠退保澤州城固可守攻之未克太祖
詔馬全義賜食御榻前問計對曰筠守孤城併力急攻
立可殄滅倘緩之適足長其奸耳太祖曰是吾心也卽
麾兵急擊之全義率敢死士乘城攀堞而上飛矢貫臂
血流被體全義拔鏃臨敵士氣益奮遂克其城 袁繼
忠以父任補右班殿直太祖平澤潞討并汾悉有力焉
崔翰宋初遷御馬直副指揮使從征澤潞 建隆初
征澤潞命邊光範爲前軍轉運計度鄭洛汝孟懷芻糧
宋李至擢著作郎直史館會征太原命督澤潞芻糧

累遷右補闕知制誥 魏丕宋開寶末領代州刺史几
典工作十餘年討澤潞等州太祖皆先期諭旨令修砌
器械無不精辦 馬令琮太祖時充先鋒都指揮使澤
潞平爲昭義兵馬鈐轄 太祖征晉陽石曦領兵二千
人自澤潞除道至太原壅汾水灌其城解暉宋初爲步
軍都頭從征澤州力戰目中流矢師還爲內外馬步軍
副都軍頭 徐興隸御龍直會平澤潞上其功補控鶴
軍使 宋史

中村西有段氏始祖墓墳壠高如岡阜地多荆葛俗名棕

鳳臺縣志

卷之二十

雜志

二二

子墓蓋以樹名也考段氏望出武威隋時徙河南澤與
河南接壤在澤者係遷自河南無疑從古多顯人如唐
季司戶叅軍約神山令昶後晉希堯宋思恭皆名見於

史惜無碑碣其昭穆次序不可稽

考古續錄

金末澤多詩人如姚亞之史正之楊成之史顯忠李巽之
司馬景仁任仲山李鑑臣劉巨川郝君祥姚昇王子榮
張漢臣李廣之李舜舉孔安道劉伯祥李子樞李唐傑
史邦直竇君瑞王德華焦彥昭等百餘人皆從李莊靖
遊迭爲唱和或以名著或以字行其科名出處無考

見鶴

鳴者
人集

唐歐陽柅詹之子爲劉正記室正欲謀逆諫不從引病家
居後平澤潞以正常詆毀乘輿出自柅手無妄被法士

論冤之

舊唐書

金恒山公武仙爲天井關戍兵所殺臨漳主簿李孝純以
詩哀之輯古錄中已辨其非矣李莊靖亦有和王子榮
悼恒山韻云功名人比漢淮陰猛虎俄因犬輩擒星落
旄頭兵似火營屯細柳士如林豈期虞虢乘唇齒漫倚
良平作腹心洒盡英雄憂國淚變風那得不傷今子榮

鳳臺縣志

卷之二十

雜志

一一一

原唱不傳附載孝純句云金鼎冥冥座已遷將軍忠勇
力扶顛井關未度星先落神策潛揮劍不前一把骨隨
秋草朽千年名有此山傳作詩膾炙行人道留爲他日

太史傳

石門雜著

金皇統左秘去思碑云自隋開皇三年爲州迄皇統三年
共五百六十一載中之爲刺史者門著勲閥有若燕公
于顛上特眷委有若趙公王琚文皇介弟有若韓王元
嘉密王元曉清約得民和有若伊婁謙明潔稱良牧有
若長孫順德彼楊德榦雖有威名不見稱述

見碑記

州文獻載宣寧王隰川王列傳云明宣寧王隰川王皆代王支子也代王桂初封豫洪武二十四年改封代王大同建文時廢爲庶人永樂靖難後復之稍不自檢與其子遜料遜煇褻衣冠行市袖錘斧傷人上聞之遺書戒諭王亦悔遜料王第七子正統二年册封宣寧郡王初建大同府城天順四年徙澤成化六年卒諡靖莊靖莊王第六子仕羸八年封宏治四年卒諡和僖和僖王第二子成鈞七年封正德五年卒諡恭安恭安王長子聰灝六年封嘉靖七年卒諡康靖康靖王子俊相十五

年封隆慶五年卒諡昭榮昭榮王子充燦萬歷八年封十八年卒諡溫簡無子推宗人俊榛管理府事 代簡王第十子遜璆正統七年册封隰川郡王初建大同府城天順五年徙澤八年卒諡懿安懿安王子仕燧成化二年封十一年卒諡恭僖恭僖王子成鈞十五年封二十年封諡莊隱莊隱王第二子宏治七年封正德十三年卒諡康肅康肅王子俊栢嘉靖九年封三十四年卒諡莊惠莊惠王無子推宗人俊樞管理府事卒隆慶間推俊榕管理府事免萬歷間推俊棟管理府事卒萬歷

間推充倓管理府事

四州文獻

澤多古蹟如王氏錦堂在東城馬氏東籬在城西張氏

堂臨清堂春溫軒心遠齋靳載之園亭俱見李莊靖詩

今皆不可考別有柳溪在西郭金宋雄飛與呂華嘗同

遊者或云卽小山泉

石門雜著

金李莊靖俊民兄弟六人俊民最幼與諸姪謹甫謙甫齒

相若承安五年登第後嘗有榜後寄姪謹甫詩云萬軸

牙籤未足多十年辛苦短檠歌敢忘奕世箕裘業忽玷

清朝甲乙科我已夢君三舉後君如輸我一籌何二疏

鳳臺縣志

卷之二十

雜志

一四

此去人方識名字先應報大羅

鶴鳴老人集

臺縣志卷之二十終

